

容

庶物類纂

羽屬

自十至十二

太政官文庫			
和書門		特別	一二三六二號
架		第五十四番函	四六五冊

內閣文庫		
番號	和	32362
冊數	465(76)	
函號	54	1

五十七内

共七




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







庶物類纂羽屬卷之十目次

鵲 鸞

山鳥

山胡

白頭公

櫻桃鳥

蠟嘴

斷木鳥

山斷木

鵲

一名神女 中華古
 今註 一名喜鵲 墨客
 上同 一名飛駁鳥 本艸
 綱目

俗名禿烏 カ
 革落思 ラ
 州肥前

鵲

鵲一名神女。俗云七月填河成橋。詩云維鵲有巢而鳩居之。言其鳩拙假鵲而成巢也。宋馬編中華古今註

天寶初寧王日侍好聲樂風流蘊藉諸王弗如也。至春時於後園中綴紅絲爲繩密綴金鈴繫於花梢之上。每有鳥鵲翔集則令園吏掣鈴索以驚之。蓋憎花之故也。諸宮皆效之。唐王仁裕開元天寶遺事

北人喜鵲聲而惡鴉聲。南人喜鵲聲而惡鴉聲。鴉聲吉凶不常。鵲聲吉多而凶少。故俗呼喜鵲。古所謂乾

鵲是也。南中多有信鵲者。類鵲而小。能為百禽聲。春時其聲極可愛。忽飛鳴而過庭簷間者。則其占為有喜。凡野禽或獐狐之類入人家者。必有不祥事。余累試甚驗。不但人家。路行遇飛鳥過者。切避之。若遺糞汚人衣者。亦不祥。又見雀鬪者。不得相逐。遭官事。宋彭乘黑客

景州進士田吉赴廷試日。鵲巢其檣。直至潞河。吉自負必得太魁。後乃以傳文字。罰殿一舉。余按吳孫權時。封前太子和為南陽王。遣之長沙。有鵲巢其帆檣。

和故官僚聞之。皆憂慘。以為檣末傾危。非久安之象。後果不得成所。其占正與吉合。惜無有以和事告之者。明陳雷謝肇淛五雜俎

鵲鳥屬也。大如鴉而長尾。火紫黑爪。綠背白腹。尾翮黑。日駁雜。上下飛鳴。以音感而孕。以視而抱。季冬始巢。開戶背太歲。向太乙。知來歲風多。巢必界下。故曰乾鵲知來。猩猩知往。段成式云。鵲有隱巢。木如梁。令鵲鳥不見。人若見之。主富貴也。鵲至秋則毛毳頭禿。淮南子云。鵲矢中蠋。蠋即反而受啄。火勝金也。本州綱目

鸛

一名鶇鷁

爾雅

一名鶇鳥

郭璞

爾雅

一名鶇鳥

同上

一名楚鳥

爾雅

疏雅

一名必鳥

鄭夾

注

一名雅鳥

雅埤

俗名折ゼム母ム折ゼウ胡ウ革カ落ラス思

鸛

鸛斯鴨鵒

爾雅○鸛音預鴨音匹

鴉烏也小而多羣腹下白江東亦呼為鴨烏

晉郭璞爾雅註

鸛斯一名鴨鵒郭云鴉烏也小而多羣腹下白江東

亦呼為鴨烏詩小雅云弁彼鸛斯毛傳云鸛鴨鵒然

則此鳥名鸛而云斯者語辭猶蓼彼蕭斯之類也小

爾雅云小而腹下白不反哺者謂之鴉烏說文字林

皆云楚鳥是也

宋邢昺爾雅疏

鸛斯鴨鵒亦謂之雅鳥蓋雀類差小多羣飛食穀粟

俗呼必鳥鵯音匹聲相近宋鄭夾淙爾雅註

小而反哺者謂之雅鳥雅鳥鵯也宋陸佃

去陰就陽者謂之陽鳥鵯是也純黑而反哺者謂

之鳥小而腹下白不反哺者謂之鴉鳥白項而群飛

者謂之燕鳥白脰鳥也鴉鳥鵯也鵯斯也亦曰鵯鵯

謹按亦曰鵯鵯鵯當作鵯

鳥雅之鴉平聲通作雅風雅之雅上聲不可作鴉俗

誤以雅與鴉古通風雅雅素皆作鴉尤非正字

謹按鳥雅之鴉當作鳥鴉之鴉

山鳥

一名鵯爾雅一名鵯鳥西陽雜俎一名赤背鳥同上

名阿鵯鳥同上

山鳥

鸛山鳥爾雅

似鳥而小赤觜穴乳出西方晉郭璞爾雅註

武州縣合火山山上有鵝鳥形類鳥觜赤如丹一名

赤觜鳥亦曰阿鵝鳥唐臨淄段成式酉陽雜俎

山胡

一名珊瑚 山堂
 一名批鵝 楊升菴
 一名鷓鴣
 同 一名夏鷄 上同
 一名隔登鷄 上同

山胡

山胡泉郡志曰大如鳩蒼色兩腮圓點黑白相映翔跳不定善鳴清調如鶯人籠蓄之

漳州府志

山胡一名山呼一名珊瑚出嶺南巧聲之鳥

明古楊彭大翼

張幼學山堂肆考

鷓鴣韻書鷓字註云杜鵑此解非鷓鷩也唐詩作批鷓今名山呼其鷓上有一點白宋歐陽公有鷓鷩詞略云龍樓鳳閣鬱崢嶸深宮不聞更漏聲紅沙蠟燭愁夜短綠牕鷓鷩催天明蓋直宿禁中所作也審

如韻書之言則宋初宮禁已有杜鵑不待邵子天津
橋始聞矣殊可笑也

楊升菴先生文集

唐盧延遜詩樹上認訛批頰鳥
牕間壁剝叩頭虫
王半山詩繫木窺樽黍
籍草聽批頰
元人送春詩批頰
穿林叫新綠
韓致元春恨詩云殘夢依依酒力餘
城頭批頰伴啼鳥
平明乍捲西樓幙
院靜初聞放轆轤
批頰蓋鳥名但不詳為何形狀耳
或曰卽鷓鴣也
惟明之鳥一名夏鷓俗名隔墻鷓
同上

白頭公

一名白頭翁

重修鎮江府志

一名白頭鳥

邵武府志

白頭公

白頭公似雀而大頭有白點故名興化府志

白頭翁似雀而大頭有白點故名泉州府志

白頭翁羽毛微綠而顛有白毛故名重修江府志

白頭烏莆人謂之白頭公似雀而大頭有白故名

之郡武府志

白頭公似鵲而大頭有白點汀州府志

白頭公似雀而大頭有白點八閩通志

白頭翁白顛似雀而大江陰縣志

白頭翁八月能化為鷹常熟縣志

鳥有名白頭翁者形似鵲鴝其飛似燕之頡頏頭上

有白毛身蒼色宋魏野有白頭翁詩甚佳三才圖會

鳥有名白頭翁者形似鵲鴝其飛如燕之頡頏頭上

有白毛身蒼色宋魏野有白頭翁詩有何辛苦有何

愁個個山林盡白頭細葉累累花影煖微蟲共食竹

陰秋清音豈許黃鶯伏素羽曾教白鷺羞唯爾鬢毛

應似我相逢不用話因由明古楊彭大翼張幼學山堂肆考

櫻桃鳥

俗名施麻比搖禿立

鳥類集 卷十

櫻桃鳥

櫻桃鳥紅嘴白頭黑身常熟縣志

鳥類集

卷十

羽屬

櫻桃鳥

二

蠟嘴

一名桑鴈

爾雅

一名竊脂

同上

一名青雀

郭璞爾雅註

一名蠟嘴雀

本艸綱目

俗名麻眉埋外施

山城州

又名以革而角二

筑前

蠟嘴

桑屬竊脂

爾雅

桑屬一名竊脂郭云俗謂之青雀皆曲食肉好盜脂膏因名云鄭玄詩箋云竊脂肉食陸璣毛詩疏云竊脂青雀也好竊人脯肉脂及笥中膏故以名竊脂也諸儒說竊脂皆謂盜脂膏卽如下云竊玄竊黃者豈復盜竊玄黃乎案下篇釋獸云虎竊毛謂之薺貓鼬如小熊竊毛而黃竊毛皆謂淺毛竊卽古之淺字但此鳥其色不純竊玄淺黑也竊藍青也竊黃淺黃也

竊丹淺赤也。四色皆具，則竊脂爲淺白也。而諸儒必爲盜竊脂膏者，以此經下別云桑屬與竊玄竊黃等并列，則爲淺白者也。春秋九扈是也。此自別一種青雀好竊脂肉，目驗而然。詩小雅交交桑扈是也。且鄭玄郭璞陸璣皆當世名儒，無容不知竊爲淺義。脂爲白色，而待後人駁正也。後人不達此旨，妄說異端，非也。宋邢昺爾雅疏

郭云俗謂之青雀，按此鳥今謂之蠟嘴，性甚慧，可教。色微綠，其嘴似蠟，竊古淺字，言淺有脂色。此所謂其

嘴之色也。宋鄭夾漈爾雅註

蠟嘴其喙黃色。閩書

蠟嘴生于象山，似雀而大，嘴如黃蠟色，故名。今吳人養此鳥，能歌舞，聽人曲調，則以嘴啣紙糊臉子搬演法戲，移腔換套，必按音節。又一種名鐵嘴。三才圖會

屬鳥，處處山林有之，大如鴿，鶻蒼褐色，有黃斑點，好食粟稻。詩云交交桑屬，有鶻其羽是矣。其嘴喙微曲，而厚壯光瑩，或淺黃淺白，或淺青淺黑，或淺玄淺丹，屬類有九種，皆以喙色故，聲音別之，非謂毛色也。爾


雅云春屬鴝鵒夏屬竊玄秋屬竊藍冬屬竊黃桑屬竊脂棘屬竊丹行屬啗啗宵屬噴噴老屬鸚鵡是矣今俗多畜其雛故作戲舞本艸綱目

斲木鳥

一名鴝爾雅

俗名結落紫紫氣ケラツツキ

爾雅



斲木鳥

鴝鴚斲木爾雅

口如錐長數寸常斲樹食蟲因名云晉郭璞爾雅註

鴝音列今亦謂之斲木鳥常斲樹剝剝然取蟲食宋鄭夾滌

爾雅註

鴝志在木禽經

爾雅曰鴝斲木鳥巢木中嘴如鷄長數寸常斲樹食

蠹蟲啄振木蟲皆動也禽經註

謹按鷄當作錐

啄木爾雅鴛斲木郭璞云口如錐長數寸常斲樹食
蠹故名本艸云有大有小褐者是雌班者是雄患牙
齒痛燒爲末塞孔中不過三數愈淮南子曰斲木愈
齲府志

啄木鳥平無毒主痔瘻及牙齒疳蠹蚘牙燒爲末內
牙齒孔中不過三數此鳥有大有小有褐有瑛褐者
是雌瑛者是雄穿木食蠹爾雅云鴛斲木荆楚歲時
記云野人以五月五日得啄木貨之主齒痛古今異
傳云本雷公採藥吏化爲此鳥淮南子云斲木愈齲

信哉嘉祐本艸

啄木小者如雀大者如鴉面如桃花喙足皆青色剛
爪利嘴如錐長數寸舌長於喙其端有針刺啄得蠹
以舌鉤出食之博物志云此鳥能以嘴畫字令虫自
出曾至剛云今聞廣蜀人巫家收其符字以收驚療
瘡毒也本艸綱目

鳥物類集 卷十

山斲木

一名火老鴉
本草
綱目

俗名盍澳客拉
アラケラ

鳥物類集 卷十 羽屬 山斲木 一

本草綱目卷之十一

山斲木

啄木又有青黑者頭上有紅毛生山中土人呼爲山斲木大如鵲郡武府志

山啄木頭上有赤毛野人呼爲火老鴉能食火炭王元之詩云淮南啄木大如鴉頂似仙鶴堆丹砂卽此也亦入藥用其功相同本艸綱目

庶物類纂
卷十一

庶物類纂羽屬卷之十一目次

杜鵑

黃鳥

庶物類纂
卷十一

羽屬目次

杜鵑

一名舊周爾雅 一名子舊鳥郭璞爾雅註 一名鸛禽經

一名子規同上 一名杜宇同上 一名鴛鳥禽經註 一

名謝豹樹萱錄 一名子鵲鳥西溪叢語 一名撥羊八閩

通志 一名題鵲本草綱目 一名催歸同上 一名陽雀同上

一名杜主因樹屋書影

俗名復禿禿ホトトギス 吉四

杜鵑

舊周爾雅

子舊鳥出蜀中晉郭璞爾雅註

子舊鳥也出蜀中說文舊蜀望帝化為子舊今謂之

子規宋邢昺爾雅疏

舊周子規也多出蜀舊郡故名焉蜀王望帝化為子

規舊希規反宋鄭夾漈爾雅註

鶴舊周子規也啼必北嚮江介曰子規蜀右曰杜宇

禽經

爾雅曰鴛周甌越間曰鴛鳥夜啼達旦血漬草木凡
鳴皆北嚮也啼苦則倒懸於樹自呼曰謝豹望帝杜
宇者蓋天精也李膺蜀志曰望帝稱王於蜀時荊州
有一人化從井中出名曰鼈靈於楚身死屍反沂流
上至汶山之陽忽復生乃見望帝立以爲相其後巫
山龍鬬壅江不流蜀民墊溺鼈靈乃鑿巫山開二峽
降丘宅土人得陸居蜀人住江南羌住城北始立水
柵周二十里令鼈靈爲刺史號曰西州後數歲望帝
以其功高禪位於鼈靈號曰開明氏望帝修道處西

山而隱化爲杜鵑鳥或云化爲杜宇鳥亦曰子規鳥
至春則啼聞者悽惻禽經註

蜀之先肇於人皇之際黃帝子昌意娶蜀人女生帝
嚳後封其支庶於蜀始稱王者自名蚕叢蜀之後主
名杜宇號望帝有荊人鼈靈死其屍浮水上至汶山
下又復生望帝見之用爲相以已之德不如鼈靈讓
位鼈靈立號開明望帝自逃之後欲復位不得死化
爲鵲每春月間晝夜悲鳴蜀人聞之曰我帝魂也名
杜鵑又名杜宇又號子規樂史寰宇記

杜鵑始陽相催而鳴先鳴者吐血成膏有人山行見
一群寂然聊學其聲即成初鳴先聽其聲者主離別
廁上聽其聲不祥厭之法當為太聲應之唐臨淄段成式酉陽雜俎

管有人飲於錦城謝氏其女窺而悅之其人聞子規
啼心動即謝去女恨甚後聞子規啼則怔忡若豹鳴
使侍女以竹枝驅之曰豹汝尚敢至此啼乎故名子
規為謝豹唐劉禹錫樹萱錄

華陽國志蜀志云蠶叢魚鳧之後有王曰杜宇稱帝

號曰望帝更名蒲卑自以功德高諸王乃以褒斜為
前門熊耳靈關為後戶玉壘峨嵋為城郭江潛綿絡
為池澤汶山為畜牧南中為園苑會有水災其相開
明決玉壘山以除水害帝遂委以政事禪位於開明
帝外西山隱焉時適二月子鵲鳥鳴蜀人悲之故聞
子鵲之鳴即曰望帝也左太冲蜀都賦云鳥生杜宇
之魂五臣注引蜀記云有王曰杜宇號望帝俗說云
化為子鵲子鵲鳥名也故鮑照杜甫皆云是古帝魂
其實非變化也宋剡川姚寬西溪叢語

吳人謂杜宇爲謝豹。杜宇初啼時，漁人得蝦，曰：「謝豹蝦。」市中賣筍，曰：「謝豹筍。」唐顧況送張衛尉詩曰：「綠樹村中謝豹啼。」若非吳人，殆不知謝豹爲何物也。宋陸務觀老學庵筆記

物理難知。詩曰：「螟蛉有子，蜾蠃負之。」教誨爾子，式穀似之。直傳到漢，楊子雲猶曰：「類我類我，蜾蠃取螟蛉，產子於其身上，借其膏血以爲養。」蜾蠃大，螟蛉枯，非變化也。橘逾淮則爲枳，亦非也。江南人有接樹之法，以橘枝接枳，枳遂爲橘，其核不變。再種則復爲枳矣。

淮北之人不曉此也。以此知古人之言亦有誤者。杜陵杜鵑詩云：「生子百鳥巢，百鳥不設親。」一作殷勤哺

其子。禮若奉至尊，亦不然。杜鵑鵑屬梟之徒也。飛入

鳥巢，鳥見之而去。於是生子於其巢，鳥歸不知是別

子也。遂爲育之。既長，乃欲噉母。天台車清臣脚氣集

謝豹，蟲也。以羞死見人，則以足覆面如羞狀，是蟲聞杜鵑聲則死，故謂杜鵑亦曰謝豹。而鵑啼時得蝦，曰：「謝豹蝦。」賣筍曰：「謝豹筍。」則又轉借以爲名，其義愈遠矣。一二云蜀有謝氏子，相思成疾，聞子規啼則怔忡若

豹因呼子規爲謝豹未知是否

明陳留謝肇淩五雜組

宋史嘉祐末康節邵先生行洛陽天津橋忽聞杜宇之聲嘆曰北方無此物異哉不及十年其有江南人以文字亂天下者乎客曰聞杜宇何以知此康節曰天下將治地氣自北而南將亂自南而北今南方地氣至矣禽鳥飛類得氣之先者也

明福唐陳懋學事言要玄

五代耶律德光入洛陽聞杜鵑問李崧曰此何聲也崧以杜鵑對五代已有之矣邵康節於天津橋聞之不足駭也豈未聞前事乎

清櫟下周亮功因樹屋書影

杜宇亦名杜主見成都記杜主人罕用之按杜鵑凡啼皆北向生子百鳥爲之啼客言百鳥爲啼豈亦欽是古帝魂耶夫隣有痛聲兒復呱呱隣家之婦憐而撫之亦情之所有者何獨鳥不然孟浩然詩高林滴露夏月清南山子規啼一聲隣家婦抱兒泣我獨展轉爲何情以子規與婦婦意深矣

同上

杜鵑一名杜宇一名子規說文謂蜀望帝所化每春三月自夜達旦鳴不止直繼以血其鳴曰句句行者聽其聲以爲不如歸去格物論云其鳴苦則自懸於

樹日謝豹思歸樂故又名謝豹府志

杜鵑閩人呼爲撥羊又日謝豹八閩通志

蜀人見鵑而思杜宇故呼杜鵑說者遂謂杜宇化鵑誤矣鵑與子雋子規鵑鵑惟歸諸名皆因其聲似各隨方音呼之而已其鳴若日不如歸去諺云陽雀叫鵑鵑央是矣禽經云江左日子規蜀右日杜宇甌越日怨鳥服虔註漢書以鵑鵑爲伯勞誤矣名同物異也伯勞一名鵑音決不音桂本州綱目杜鵑出蜀中今南方亦有之狀如雀鵑而色慘黑赤

口有小冠春暮卽鳴夜啼達旦鳴必向北至夏尤甚晝夜不止其聲哀切田家候之以興農事惟食中蠹不能爲巢居他巢生子冬月則藏蓄同上

黃鳥

一名皇爾雅 一名倉庚同上 一名商庚同上 一名鷺
黃同上 一名楚雀同上 一名黃離郭璞爾雅註 一名
搏黍同上 一名黃鶯禽經註 一名黃鸝同上 一名黃
栗留同上 一名黃鸝毛詩草木鳥獸蟲魚疏 一名鸝黃
同上 一名黃袍同上 一名黃流離爾雅翼 一名黃栗
流同上 一名金衣公子開元天寶遺事 一名黃伯勞本
綱目

黃鳥

皇黃鳥爾雅

俗呼黃離留亦名搏黍晉郭璞爾雅註

自此以下諸言倉庚商庚鷺黃楚雀倉庚鷺黃之文

與此一也宋邢昺爾雅疏

倉庚商庚爾雅

即鷺黃也晉郭璞爾雅註

鷺黃楚雀爾雅

即倉庚也晉郭璞爾雅註

倉庚鵯黃也爾雅

其色鵯而黃因以名云爾雅注

倉鵯鵯黃鳥也亦曰楚雀亦曰商庚夏蠶候也禽經

今謂之黃鶯黃鵯是也野民曰黃栗留語聲轉耳其

色鵯黑而黃故名鵯黃詩云黃鳥以色呼也北人呼

為楚雀此鳥鳴時蠶事方興蠶婦以為候禽經注

黃鳥黃鵯鵯也或謂之黃栗留幽州人謂之黃鶯或

謂之黃鳥一名倉庚一名鵯黃一名楚雀齊人謂之

搏黍關西謂之黃鳥一作鵯黃當甚熟時來在桑間

故里語曰黃栗留看我麥黃甚熟亦是應節趨時之

鳥或謂之黃袍唐陸機毛詩州木鳥獸蟲魚疏

爾雅翼倉庚黃鳥而黑章齊人謂之搏黍秦人謂之

黃流離幽冀謂之黃鳥一名黃鵯留或謂之黃栗流

一名黃鶯二月而鳴夏小正云二月有鳴倉庚鵯者

續之候倉庚者蠶之候詩鳥鳴嚶嚶按禽經稱鵯鳴

嚶嚶則詩所言鳥殆謂此故後人皆以鵯名之此鳥

之性好雙飛故鵯字從麗又曰鵯必匹飛鵯必單棲

出合遷喬之事未見其驗今荊州每至冬月於田畝

中得土堅圓如卵者輒取以賣破之則鸞在其中無復毛羽蓋以土自裹伏而土堅勁候春始生羽破土而出然則出合遷喬之事恐當似此矣

明海隅毛晉陸疏廣要

明皇每於禁苑中見黃鸝常呼之為金衣公子

唐王仁裕

開元天寶遺事

東臯雜錄曰詩伐木丁丁鳥啼嚶嚶出自幽谷遷于喬木鄭箋云嚶嚶鳥聲正文與注皆未嘗及黃鳥自樂天作六帖始類鸞門中又作詩每用之其後多祖述之也洪駒父謂禽經稱鸞鳴嚶嚶要是後人附合

僕觀張平子東京賦睢鳩麗黃關關嚶嚶然則以嚶嚶為黃鸝用自漢已然不可謂自樂天始也

宋長洲王栢野

客叢書

倉鵬為饒可以療妬

在窮記

梁武平齊盡有其內獲侍兒十餘輩頗娛於目俄為郗后所察動止皆有隔抑拘其憤恚殆欲成疹左右識其情者進言曰臣嘗讀山海經云以鵠鵬為膳可以療其事使不忌陛下盡試諸梁武從之却茹之後妬減殆半帝愈神其事左右復言曰願陛下廣羞諸

以遍賜群臣使不才者無妬於有才挾私者不妬於奉公濁者不妬其清貪者不忌其廉俾其惡去勝忌前皆知革心亦助化之一端也帝浚然其言將詔虞人廣捕之會方崇內誠於血生其議遂寢唐劉禹錫止妬文○
明古吳陳仁錫續古文奇賞

謹按北山經云軒轅之山其上多銅其下多竹有鳥焉其狀如梟而白晉其名曰黃鳥其鳴自說食之不妬

世俗相傳謂倉庚求友以為出於詩然詩但言伐木

丁丁鳥鳴嚶嚶出自幽谷遷于喬木嚶其鳴矣求其友聲初不指其何鳥也凡鳥雌雄相呼吻類相與者亦多矣不獨鶯也釋者以禽經有鶯鳴嚶嚶之語遂以詩人為咏倉庚不知禽經乃後人所撰正因詩之語而附會之耳豈可引以證詩乎况楊雄羽獵賦有鴻鴈嚶嚶之句可又指為鴈乎

明陳留謝肇淛五雜俎

鶯處處有之大於鸚鵡雌雄雙飛体毛黃色羽及尾有黑色相間黑眉尖嘴青脚立春後即鳴麥黃樵熟時尤甚其音圓滑如織機聲乃應節趨時之鳥也月

令云仲春倉庚鳴說文云倉庚鳴則蠶生冬月則藏
蟄入田塘中以泥自裹如卵至春始出本州綱目

庶物類纂羽屬卷之十二目次

雀

白雀

黃雀

突厥雀

闕

蒿雀

畫眉

鳥物類纂
卷十一
一

雀

一名嘉賓 中華古
一名瓦雀 本州綱目
一名賓雀
同上
一名麻雀 同上

俗名思事眉

鳥物類纂
卷十一

羽屬 雀

鳥類集卷一

雀

雀一名嘉賓言常棲集人家如賓客也晉崔豹中華古今註

裴耀卿勤於王政夜看按牘晝決獄訟常養一雀每

夜至初更時有聲至五更則急鳴耀卿呼為知更雀

又于廳前有一大桐樹至曉則有羣鳥翔集以此為

出廳之候故呼為報曉鳥時人美焉唐王仁裕開元天嘉遺事

鷓鴣能勅水故水宿而物莫能害鷓鴣能步禁蛇故

食蛇啄木遇蠹穴能以嘴畫字成符即蠹蟲自出鵲

有隱巢木故鷲鳥莫能見燕銜泥避戊巳日故巢固

而不傾。鵲有長水石，故能於巢中養魚，而水不涸。燕惡艾，雀欲奪其巢，即銜艾置其巢中，燕遂避去。此皆鳥之有智者也。宋范正敏遜齋閑覽

臘臍臍不可常得，野雀久食積功，固亦峻緊，蓋家常臘臍臍也。宋陶穀清異錄

鎮江衛左所軍士范某妻患瘵疾，瀕死，遇道人與之藥，云用雀百頭以藥米飼之。至三七日，取其腦服之，當差然。一雀莫減也。范如教買雀養之，有次者則旋買之，以充數。未旬日，范以公差出，妻覩雀嘆曰：以吾

一人殘物命至百，甚不仁也。吾寧死安忍為此。開籠放之。夫歸怒責其妻，亦不悔。已而病差初久不產育，是年忽有姪生。一男男兩臂上各有黑誌如雀形，一飛一俛而啄，羽毛分明，不減刻畫。蓋冥道以此示放

雀報云也。長洲陸燦庚巳編

雀今近人家飛鳴者是也。邵武府志

雀一名佳賓，謂栖宿人家如賓客也。泉州府志

雀物之淫者，四時有子，其小者黃口，貪食易捕，老者狡黠難取，性不能為巢，穿屋居之，故謂之瓦雀。舊說

雀目夕昏人有至夕昏不見物者謂之雀瞽其種不一又有神雀突厥雀蒿雀蒿雀身微綠色俗謂艸雀也三才圖會

雀短尾小鳥也故字從小從隹隹音錐短尾也栖宿簷瓦之間馴近階除之際如賓客然故曰瓦雀賓雀又謂之嘉賓也俗呼老而斑者為麻雀小而黃口者為黃雀又曰雀處處有之羽毛斑褐領鬣皆黑頭如顴赤目如擘椒尾長一寸許爪距黃白色躍而不步其視驚瞿其目夜盲其卵有斑其性最淫

本艸綱目

白雀

鳥類集卷十二

白雀

雀有色純白者有尾白者構巢人家多爲祥瑞余曾
見賣藥老人育白雀數枚問何從得之答云雀方出
殼未羽時以蜜和飯飼之乃然黑客
揮尾

鳥類集卷十二

羽屬 白雀 二

鳥物類纂
卷十一

黃雀

俗名寛耶ニ鳥ヲ奈衣ニ思事ス眉メ

鳥物類纂
卷十一

羽屬
黃雀
一

鳥類集 卷十二

黃雀

雀又一種似雀而小八九月飛稻田間多至數千謂之黃雀邵武府志

黃雀似雀而黃稻熟時方來食穀不知來自何方西風緊則去亦不知所往月令云雀入大水為蛤豈謂此耶本地亦有之然不如秀水吳江地面所產為

肥嘉興縣志

黃雀形似雀而小歲惟冬春間有之浙江通志

黃雀冬初始有味腴吳人羅取之以入饌常熟縣志

黃雀每歲秋時山蕩北鄉有之吳地記謂小魚長五寸秋社化爲黃雀味腴美至則土人競作鮓相遺同時西北山野間有鳥名刺毛鶯肥美土人亦以爲珍品

松江府志

弘農楊寶性慈愛年九歲至華陰山見一黃雀爲鷓鴣巢所搏逐樹下傷癥甚多宛轉復爲螻蟻所困寶懷之以歸置諸梁上夜聞啼聲甚切親自照視爲蚊所啗乃移置中霜中啖以黃花逮十餘日毛羽成飛翔朝去暮來宿中箱中如此積年忽與羣雀俱來哀鳴

遶堂數日乃去是夕寶三更讀書有黃衣童子曰我王母使者昔使蓬萊爲鷓鴣巢所搏蒙君之仁愛見救今當受賜南海別以四玉環與之曰令君子孫潔白且從登三公事如此環矣寶之孝大聞天下名位日隆子震震生秉秉生彪四世名公及震葬時有太鳥降人皆謂真孝招也

蔡邕論云昔日黃雀報恩而至。梁吳均續齊諧記

王黼盛時庫中黃雀鮓自地積至棟凡滿二楹蔡京對客令點檢蜂兒見在數目得三十七秤童既敗籍其家得劑成理中丸幾千斤傳紀載之以爲談柄

近者官籍賈似道第果子庫糖霜凡數百甕官吏以爲不可久留難載帳自遂輦棄湖中軍卒輩或乘時竊出則他物稱是可想矣胡椒八百斛領軍鞋一屋不足多也

宋周公謹齊東野語

謹按資治通鑑唐代宗永泰十二年春三月中書侍郎同平章事元載專橫伏誅有司籍其家胡椒至八百石它物稱是顏氏家訓鄴下有一領軍貪積已甚家童八百誓滿千人朝夕肴膳以十五錢爲率遇有客旅更無以兼後坐事伏誅籍其家產

麻鞋一屋弊衣數庫其餘財寶不可勝言

雀小者名黃雀八九月羣飛田間體絕肥背有脂如披綿性味皆同可以炙食作鮓甚美案逸周書云季秋雀入大水爲蛤雀不入水國多淫佚又臨海異物志云南海有黃雀魚常以六月化爲黃雀十月入海爲魚則所謂雀化蛤者蓋此類若家雀則未常變化也又有白雀緯書以爲瑞應所感

本州綱目

鳥類集
卷十二

蒿雀

一名鑽籬嘉興縣志
一名草雀三才圖會

俗名挨ア和ワ十ジ山城州

鳥類集
卷十二

羽屬
蒿雀


蒿雀

蒿雀味甘溫無毒食之益陽道取其腦塗凍瘡手足
不皸似雀青黑在蒿間塞外彌多食之美於諸雀本
遺拾

蒿雀似雀而青俗名鑽籬嘉興縣志

蒿雀身微綠色俗謂州雀也三才圖會

庶物類集
卷十一



畫眉



庶物類集
卷十一
羽屬
畫眉

庶分其類

畫眉

畫眉通志曰白眉褐質好鬪善鳴興化志曰聲似鶯而小清圓可聽

漳州府志

畫眉似鶯而差小褐質白眉其性好鬪尤善鳴其聲清和圓轉亦似鶯而差小

邵武府志

畫眉似鶯而小黃黑色其眉如畫故曰畫眉巧於作聲如百舌

三才圖會

畫眉鳥似鶯而小黃黑色其眉如畫巧于作聲如百舌歐陽公詩百轉千聲隨意移山花紅紫樹高低始

知鎖向金籠聽不及園林自在啼明古楊彭大翼張切學山堂肆考

畫眉南方最多狀類山雀而大毛色蒼黃兩頰有白毛如眉雄者善鳴喜鬪其聲悠揚婉轉甚可入聽雌則不鳴不鬪無所取也人多畜雄者於廊簷之下貯以高籠籠內繫一水食罐中用南天竹幹一條作梁冬日使之棲止則足不冷日以鷄子黃拌米再和些少細沙與之食便不時肯叫如天氣漸炎嘗將籠浸於水盆內令其自浴則毛羽更鮮不灰至深秋各戶之鳥聚集開場相鬪以決勝負亦一壯觀相畫眉古

亦有訣云身似葫蘆尾似琴頸如削竹嘴如釘再添

一對牛筋脚一籠有盡九籠羸清西湖陳扶搖秘傳花鏡

原
牛
類
集
／
卷
十
二

Handwritten text in a vertical column on the right edge of the right page, likely a library or archival stamp.

Vertical text on the right edge of the right page, likely a library or archival stamp.

